

大易粹言

十四





伊川先生曰震序卦主器者莫若長子故受之以震鼎者器也震為長男故取主器之義而繼鼎之後長子傳國家繼位號者也故為主器之主序卦取其一義之大者為相繼之義震之為卦一陽生於二陰之下動而上者也故為震震動也不曰動者震有動而奮發震驚之義乾坤之交一索而成震生物之長也故為長男其象則為雷其義則為動雷有震奮之象動為驚懼之義易傳

震耳震來虩虩笑言啞啞震驚百里不喪匕鬯

大易雜

伊川先生曰陽生於下而上進有亨之義又震為動為恐懼為有主震而奮發動而進懼而脩有主而保大皆可以致身故震則有亨○當震動之來則恐懼不敢自寧旋顧周慮一作周旋顧慮虩虩然也虩虩顧慮不安之兒蠅虎謂之虩者以其周環顧慮不自寧也處震如是則能保其安裕故笑言啞啞啞啞言笑和適之兒○言震動之大而處之之道動之大者莫若雷震為雷故以雷言雷之震動驚及百里之遠人无不懼而自失雷聲所及百里也唯宗廟祭祀執匕鬯者則不致於喪失人之致其

誠敬莫如祭祀上以載鼎實升之於俎罔以灌地

而一无降神方其酌裸以求神薦牲而祈饗盡其

誠敬之心則雖雷震一作之威不能使之懼而失

守故臨大震懼能安而不自失者唯誠敬而已此

處震之道也卦才无取故但言處震之道並易傳

白雲郭氏曰震一索而得男故謂之長男自乾坤

而來變之始者莫先於震故為動之始然乾坤震

動之始其來方興莫測是以有震驚之象曰亨者

天下之理不動則不亨故天地萬物待震而後亨

也自震來虩虩皆主人事而言虩虩恐懼之貌啞

六初九 震二 浚

啞和樂之意因震動而恐懼則長慮却顧終无危

亡之失是以後獲笑言和樂之吉也震驚百里不

喪上鬯者雖有大震恐不失主祭之道蓋知恐懼

脩省而已主祭長子之事也然則文武始於憂勤

終於逸樂其亦震來虩虩笑言啞啞之義乎易說

彖曰震耳震來虩虩恐致福也笑言啞啞後有則也

震驚百里驚遠而懼邇也出可以守宗廟社稷以為

祭主也

伊川先生曰震自有亨之一无義非由卦才震來

而能恐懼自脩自慎則可反致福吉也笑言啞啞

言自若也

一作啞啞笑
言自若也

由能恐懼而後自處有法

則也有則則安而不懼矣處垂危之道也○雷之震

及於百里遠者驚邇者懼言其威遠大也○彖文

脫不喪匕鬯一句卦辭云不喪匕鬯本謂誠敬之

至威懼不能使之自失彖以長子宜如是因以一字

承上文用長子之義通解之謂其誠敬能不喪匕

鬯則君出而可以守宗廟社稷為祭主也長子如

是而後可以守世祀承國家也並易傳

橫渠先生曰此卦純以君出子存而言則震之體

全而用顯故曰出可以守宗廟社稷不雜言君父

三五九

大易辨言三

震三

余全

共國之時也易說

白雲郭氏曰震來虩虩因恐懼而致福笑言啞啞

和樂而未嘗失則驚遠懼邇言震之大遠邇皆及

之也震之為卦內外重震故有遠邇大震之象遠

邇大震而能不喪匕鬯此其所以可守宗廟社稷

為祭主也匕者撓鼎之器所以載鼎實而致之俎

鬯香酒所以灌地降神皆主祭之事也易說

象曰洊雷震君子以恐懼脩省

伊川先生曰洊重襲也上下皆震故為洊雷雷重

仍則威益盛君子觀洊雷而威震之象以恐懼自脩

俯循省也君子畏天之威則脩正其身思省其過
咎而改之不唯雷震凡遇驚懼之事皆當如是易傳
白雲郭氏曰游重也上下皆震威益盛也當是時
也知恐懼畏天脩德省身故可以无過而不至於
危亡苟不知恐懼脩省之戒則危亡必矣易說
初九震來虩虩後笑言啞啞吉象曰震來虩虩恐致
福也笑言啞啞後有則也

伊川先生曰初九成震之主致震者也在卦之下
處震之初也知震之來當震之始若能以為恐懼
而周旋顧慮虩虩然不敢寧止則終必保其安吉

大易釋三十五

震四

余全

故一作後笑言啞啞也○震來而能懼周顧則无
患矣是能因恐懼而反致福也因恐懼而自脩省
不敢違於法度是由震而後有法則故能保其安
吉而笑言啞啞也易傳

白雲郭氏曰恐懼脩省於前則必獲和樂笑言之
吉於後理之必然也初九震動之初恐懼脩省不
可緩也過此則危矣故於初言之易說

六二震來厲億喪貝躋于九陵勿逐七日得象曰震
來厲乘剛也

伊川先生曰六二居中得正善處震者也而乘剛

九之剛九震之主震剛動而上舊孰能禦之厲猛也危也彼來既猛則己處危矣億度也貝所有之資也躋升也九陵陵之高也逐往追也以震來之厲度不能當而必喪其所有則升至高以避之也九言其重崗陵之重高之至也九里之多也如九天九地也勿逐七日得二之所貴者中正也遇震懼之來雖量勢巽避當守其中止无自失也億知必喪也故遠避以自守過則復其常矣是勿逐而自得也逐即物也以己即物失其守矣故戒勿逐避遠自守處震之大方也如二五有當危懼而善處

者也卦位有六七乃更始事既終時既易也不失其守雖一時不能禦其來然時過事已則復其常故六七日得○當震而乘剛是以彼厲而已危震剛之來其可禦乎並易傳

橫渠先生曰初動而之上故曰噬嗑于九陵億必也

易說

白雲郭氏曰震之動自下而上在震之初猶欲恐懼脩省況二之乘剛乎故震來得危厲而喪失隨之也躋于九陵避其來也不知脩省而避非其道也故不待逐而七日可得言不可避也七日一卦

之復復則自來矣

易說

六三震蘇蘇震行无眚象曰震蘇蘇位不當也

伊川先生曰蘇蘇神氣緩散自失之狀三以陰居陽不正處不正於平時且不能安况處震乎故其震懼而蘇蘇然若因震懼而能行去不正而就正則可以无過眚過也三行則至四正也動以就正為善故二勿逐則自得三能行則无眚以不一有中字正而處震懼有眚可知○其恐懼自失蘇蘇然由其所處不當故也不中不正其能安乎並易傳

橫渠先生曰蘇蘇亦索索之義處非其地故危困

王手

大易粹言五

震六

不一能懼而改行則无眚矣

易說

白雲郭氏曰震自初動六三遠以不動者而能蘇蘇然畏懼不自安是以行而无過眚也不敢自安者知位之不當亦所謂知懼者也易說

九四震遂泥象曰震遂泥未光也

伊川先生曰九四居震動之時一不中不正處柔失剛健之道居四无中正之德陷溺於重陰之間不能自震奮者也故云遂泥泥滯溺也以不正之陽而上下重陰安能免於泥乎遂无反之意處震懼則莫能守也欲震動則莫能奮也震道亡矣豈復

能光亨也。○陽者剛物震主有動義以剛處動本有光亨之道乃失其剛正而陷於重陰以致遂泥豈能光也。云未光見陽剛本能震也以失德故泥耳。

並易傳

橫渠先生曰處衆陰之中爲衆附比剛陽之德而以位陰故泥而未光也。易說

白雲郭氏曰九四處多懼之地陷於重陰之間无中正之德以自將故不能有行而遂泥也。滯溺不自振又安有光亨之道乎。易說

六五震往來厲億无喪有事象曰震往來厲危行也。

大易經言五

震七

王仲

其事在中大无喪也。

伊川先生曰六五雖以陰居陽不當位爲不正然以柔居剛又得中乃有中德者也不失中則不違於正矣所以中爲貴也。諸卦二五雖不當位多以中爲美三四雖當位或以不中爲過中常重於正也。蓋中則不違於正正不必中也。天下之理莫善於中於六二六五可見五之動上往則柔不可居動之極下來則犯剛是往來皆危也。當君位爲動之主隨宜應變在中而已。故當億度无喪失其所。有之事而已。所有之事謂中德苟不失中雖有危。

終一有字不至於凶也億度謂圖慮求不失中也五所以危由非剛陽而无助若以剛陽有助為動之主則能亨矣往來皆危時則甚難艱一作但期於不失中則可自守以柔主動固不能致亨濟也○往來皆厲行則有危也動皆有危唯在无喪其事而已其事謂中也能不失其中則可自守也大无喪以无喪為大也並易傳

橫渠先生曰懼往亦厲懼來亦厲能行己以危則富貴可保故曰无喪有事猶云不失其所有也以其乘剛故危以其在中故无喪禍至與不至皆懼

大易粹言五

震八

王仲

則无喪有事

一有云懼陰之中易說

白雲郭氏曰二以來厲而喪則五之往來皆厲宜其大有喪也得无喪有事亦幸矣有事者其事也謂六五之君事也象言危行者往來皆厲行則危也六五往而上則即柔來而下則乘剛皆喪有事之道是以知其危也六五位雖不正而用中焉其事既不失中道雖涉危行可以大无喪矣以无喪為大則知喪之亦大也億者恐懼驚嘆之辭說者或為辭或為萬億或為億度其義頗不能通為辭

近之說易

上六震索索視矍矍征凶震不干其躬于其鄰无咎
婚媾有言象曰震索索中未得也雖凶无咎畏鄰戒
也

伊川先生曰索索消索不存之狀謂其志氣如是
六以陰柔居震動之極其驚懼之甚志氣殫索也
矍矍不安定兒志氣索索則視瞻徊徨以陰柔不
中正之質而處震動之極故征則凶也震之及身
乃于其躬也不于其躬謂未及身也隣者近於身
者也能震懼於未及身之前則不至於極矣故得
无咎苟未至於極尚有可改之道震終當變柔不

固守故有畏

一作見

鄰戒而能變之義聖人於震終

示人知懼能改之義為勸深矣婚媾所親也謂同

動者有言有怨咎之言也六居震之上始為眾

一作

震動之首今乃畏鄰戒而不敢進與諸處震者異

矣故婚媾有言也○所以恐懼自失如此以未得

於中道也謂過中也使之得中則不至於索索矣

極而復征則凶也若能見鄰戒而知懼變於未極

之前則无咎也上六動之極震極則

一作之終

有變義

也

並易傳

橫渠先生曰危以動懼以語无交而求則民弗與

也故以征則凶能以鄰為懼則可免咎鄰謂五也
五既附四已或與焉則招悔而有言矣能以鄰為
戒不待及身而戒則无咎

易說

白雲郭氏曰居震之極无中以自守內積驚懼失
所處之道是以志氣索索然而其瞻視亦矍矍而
不安也能止而守不過驚懼而已以征則凶也震
驚之來未及其身方及其隣能畏懼而戒之如此
則无咎矣蓋先時而懼未至於極故也婚媾所親
也有言失之小也處震之極得无大咎足矣小有
言蓋不可得而免也象言中未得者以失中道故

二十九

大易粹言

震十

奇

索索然也震卦言嘽嘽啞啞蘇蘇索索矍矍與二
五之言億諸卦皆无其義雖多恐懼之貌亦於文
義各有辨也

易說

伊川先生曰艮序卦震者動也物不可以終動止之故受之以艮艮者止也動靜相因動則有靜靜則有動物无常動之理艮所以次震也艮者止也不曰止者艮山之象有安重堅實之意非止義可盡也乾坤之交三索而成艮一陽居二陰之上陽動而上進之物既至於上則止矣陰者靜也上止而下靜故為艮也然則與畜止之義何異曰畜止者制畜之義力止之也艮止者安止之義止其所也易傳○看一部華嚴經一本作法華經不如看一艮卦

三五

大易粹言五

艮

經只言○艮卦只明使萬物各有止止分便定並語
一止觀
錄

艮其背不獲其身行其庭不見其人无咎

明道先生曰艮其背止於所不見也劉絢師訓○人之

情各有所蔽故不能適道大率患在自私而用智自私則不能以有為為應物用智則不能以明覺為自然今以惡外物之心而求照萬物之地是反鑑而索照也易曰艮其背不獲其身行其庭不見其人孟子亦曰所患於智者為其鑿也與其外而是內不若內外之兩忘兩忘則澄然无事矣无事

則定定則明明則尚何應物之爲累哉

與
渠書

伊川先生曰人之所以不能安其止者動於欲也欲牽於前而求其止不可得也故艮之道當艮其背所見者在前而背乃背之是所不見也止於所不見也止於所不見則无欲以亂其心而止乃安不獲其身不見其身也謂之我也无我則止矣不能无我无可止之道行其庭不見其人庭除之間至近也在背則雖至近不見謂不交於物也外物不接内欲不萌如是而止乃得止之道於止爲无咎也

一无也
字易傳

○艮其背乃止也背无欲无思也故

可止

陳氏
拾遺

兼山郭氏曰艮止也天下之欲无窮而人每患於不能止者蓋不知无欲之地而止之也止於无欲之地所謂艮其背也人之耳目口鼻皆有欲也至於背則无欲也矣内欲不動則外境不入是以行其庭不見其入也不獲其身止其止矣不見其人止於行矣内外兼止故人欲自滅而天理固存孟子曰養心莫善於寡欲其息其背之義乎自一身言之庭與四海皆一也聖人舉而措之天下謂之事業皆行其庭之事也此道可明以理不可窮以

辭即所謂中庸之道也

良止圖

白雲郭氏曰伊川曰良與畜止之義何異曰畜止者制畜之義力止之也良止者安止之義止其所也雍曰良止之義最爲近道而知之行之者鮮且天下之欲无窮而人每患於不能止者蓋不知无欲之地而止之也有欲而止之大畜是也故有說輶殯豕之象伊川所謂力止之者也止於无欲之地所謂良其背也人之有目欲於色者也耳欲於聲者也口欲於味者也鼻欲於臭者也至於背則无見无知故无欲常與物背馳而不相向使欲无

三才十

大易粹言五

良三

余光

自而生故得安於止之道一身且不獲況外物乎內欲不動則外境不入是以行其庭不見其人也
不獲其身忘我也不見其人忘人也忘我者在止之止也忘人者在行之止也以止而忘我之止施之於行施之於人皆一也內外兼止則人欲自滅而天理固存是以无咎孟子言養心莫善於寡欲與良其背之義正同

易說

彖曰艮止也時止則止時行則行動靜不失其時其道光明良其止止其所也上下敵應不相與也是以不獲其身行其庭不見其人无咎也

明道先生曰良其止止其所也八元有善而舉之四凶有罪而誅之各止其所也釋氏只曰止安知

止乎劉絢所錄○良其止止其所也各止其所父子止

於恩君臣止於義之謂良劉絢師訓○良止也止則便

生不止則不生良始終萬物語錄

伊川先生曰良為止止之道唯其時行止動靜不

以時則妄也不失其時則順理而合義在物為理

處物為善動靜合理義不失其時也乃其道之光

明也君子所貴乎時伸屈行止久速是也良體篤

實有光明之義○良其止謂止之而止也止之而

大易粹言五

良四

光

能止者由止得其所也止不得其所則无可止之

理夫子曰於止知其所止謂當止之所也夫有物

必有則必止於慈子止於孝君止於仁臣止於敬

萬物庶事莫不各有其所得其所則安失其所則

悖聖人所以能使天下順治非能為物作則也唯

止之各於其所而已○上下敵應不相與也以卦

才言也上下二體以敵相應无相與之義陰陽相

應則情通而相與乃以其敵故不相與也不相與

則相背與一作良其背止之義一有也○是以不

獲其身止无咎也相背故不獲其身不見其人是

以能止能止則无咎也

並易傳

○聖人只言止所謂

止如人君止於仁人臣止於敬之類是也易之良

言止之義曰良其止止其所也言隨其所止而止

之人多不能止

劉元承手編

○良其背止欲於无見若

欲見於彼而上之所施各異若良其止止其所也

止各當其所也聖人所以應萬變而不窮

一作勞

事各止當其所也若鑒在此而物之妍媸自見於

彼也聖人不與焉時止則止時行則行時行對時

止而言亦止其所也動靜不失其時皆止其所也

陳氏拾遺

大易粹言五

良五

橫渠先生曰雖處喧闐亦无害於為學有人於此

或日月而至焉亦有終日而不至者及其父也去

者常少若居於家聞嬰孩之啼則有不忍之心聞

奴婢喧戾則猶有不容之意至於市井紛囂一不

與我事何傷於存誠養志易曰良其背不獲其身

行其庭不見其人无咎夫入它人之庭不見其人

可止也良其背至近於人也然且不見以其上下

无應也時止則止時行則行動靜不失其時其道

光明學者必時其動靜則其道乃不蔽昧而明白

今人從學之久不見進長正以莫識動靜見它人

擾擾非關己事而所修亦廢由聖學觀之冥冥悠
悠以是終身謂之光明可乎易說○艮一陽為主
於兩陰之上各得其位而其勢止也易言光明者
多艮之象著則明之義也○動靜不失其時義之
極也義極則光明著見唯其時物前定而不疚並
蒙

龜山楊氏曰艮止也止其所也故繫辭曰止萬物
者莫善乎艮又曰成言乎艮艮者萬物之所成終
而成始也止於此矣復出乎震不終止也故艮卦

曰時止則止時行則行錄

大易粹言五

艮六

張拱

白雲郭氏曰夫止有止之止有行之止行止之間
又有時焉蓋行止係乎時而不係乎止也止所以
應行止者也時所以為行止者也是則艮止之止
在我而行止之止則在彼矣行止為時則艮止為
道矣故彖言時止則止又曰艮其止所以兼明有
二義也且艮之道時方止則止其止時方行則行
其止行止在時艮止在此在時者不可必在此者
可必不在此之必而易時之不可必則止道盡
矣是以艮止之中復有行而行止之行復有艮之
止是所謂行其道者也孔子曰用之則行舍之則

藏孟子曰窮則獨善其身達則兼善天下是皆以
止道應時也莊子曰寧其死而其骨貴乎寧其生
而曳尾於塗中乎二大夫往矣吾將曳尾於塗中
是為知止不知行有我廢時者也欲孰甚焉且天
下之欲生於必而无欲生於不必孔子所以母
必者止其欲也莊子不知必之可止而欲必其生
之樂是以失時止則止時行則行之義老氏有曰
絕聖棄智絕仁棄義莊子又曰焚符破璽剖斗折
衡彼時有之而我絕之欲不在時與物而在我也
易在彼之欲而為我之欲其惑甚矣故雖艮止之

道聖人不能廢時老莊氏未之知也動靜統言之
也行止亦動靜也動靜俱不失時其道至矣故光
明也道大成則明故中庸曰誠則明其道光明則
艮道大成矣艮始於止施之於行止又施之於行
止之時此所以為大成也止其所者又言止无它
義知其所而止之耳上下敵應不相與者艮之六
爻皆敵也敵所以成艮也知敵而相與則為交戰
之道失艮止之義遠矣知敵而不相與則與敵背
馳情欲自遠是以能不獲其身不見其人无咎也
无咎者於道无失其為義大矣

易說

○艮曰時止則

止時行則行雖止之道有行而行之時復有止焉
蓋艮以止為主故也艮之止中庸之中是或一道

中庸
解

象曰兼山曰艮君子以思不出其位

伊川先生曰上下皆山故為兼山此而并彼為兼

謂重複一作也重艮之象也君子觀艮止之象而

思安所止不出其位也位者所處之分也萬事各

有其所得其所則止而安若當行而止當速而久

或過或不及皆出其位也況踰分非據乎易傳○艮

思不出其位乃止其所也陳氏拾遺

三十四

大易粹言五

艮八

光

橫渠先生曰位所安之分也如素夷狄行乎夷狄

素患難行乎患難易說

白雲郭氏曰艮之為卦上下皆艮故曰兼山下卦

內也內為身上卦外也外為人兼內外而統之所

以有不獲其身不見其人之象也止无它義止其

所而已以君子之位言之則思不出其位者亦止

其所也位非獨爵祿而已所守之分皆位也必曰

思者未有事之時也未有事之時则无欲矣待其

有欲而止則非艮也中庸曰喜怒哀樂之未發謂

之中然則艮之為止其在茲時乎易說

初六艮其趾无咎利永貞象曰艮其趾未失正也

伊川先生曰六在最下趾之象趾動之先也艮其趾止於動之初也事止於初未至失正故无咎也以柔處下當止之時也行則失其正矣故止乃无咎陰柔患其不能常也不能固也故方止之初戒以利在常永貞固則不失止正一作之道也○當止而行非正也止之於初故未至失正事止於始則易而未至於失也並易傳

白雲郭氏曰趾初象也凡動之先莫先於趾止於動之先則易而止於既動之後則難止於其先故

得无咎止於既動之後不能无得失也利永貞者利在久於其道而固守之也中庸曰予知擇乎中庸而不能期月守也是不知利永者也又曰得一善則拳拳服膺而弗失之是能利貞者也象言未失正者止於未動之先未有失正之事也小畜於復自道言吉復於不遠復言元吉艮之初六有過於二者而不言吉蓋吉凶者失得之象也二卦之復雖與止相近然有失而能止則謂之復凡言復皆先失後得復則吉不復則凶吉凶可得而言也艮其趾則止於未失得之前吉凶失得皆在所止

矣是以不言吉也然則艮之无咎豈不足於小畜
與復之吉哉蓋不使累於得失而已故象言未失
正則止於无失止於无失則未嘗有得矣然世多
以吉爲過於无咎是不知吉與无咎自爲二道論
有爲則莫善於吉論守道則无咎爲大是以易辭
或言吉或言无咎或吉而无咎或凶而无咎不可
同也

易說

六二艮其腓不拯其隨其心不快象曰不拯其隨未
退聽也

伊川先生曰六二居中得正得止之道者也上无

應援不獲其君矣三居下之上成止之主主乎止
者也乃剛而失中不得止之宜剛止於上非能降
而下求二雖有中正之德不能從也二之行止繫
乎所主非得自由故爲腓之象股動則腓隨動止
在股而不在腓也二旣不得以中正之道拯救三
之不中則必勉而隨之不能拯而唯隨也雖咎不
在已然豈其所欲哉言不聽道不行也故其心不
快不得行其志也士之處高位則有拯而无隨在
下位則有當拯有當隨有拯之不得而後隨○所
以不拯之而唯隨者在上者未能下隨也退聽下

從也並易傳

橫渠先生曰腓體之隨也不能禁其趾而徒止其

腓腓所未聽故心不能快易說

白雲郭氏曰腓腓腸也下體之所主也上而股下

而足皆隨之故為六二之象也六二下卦之主也

初六九三之所隨也六二雖居中得正得止之道

然以柔用柔才有不足是以不能舉其隨而其心

不快也方止之時忘我忘人而六二不拯其隨其

心不快何哉蓋六二有為之臣位也君子正心誠

意之初故艮其背不獲其身行其庭不見其人及

三十五十二 大易粹言五 艮十一 葉生

其道之大成施之於天下國家欲天下各安其所

止蓋伊尹使是君為堯舜之君使是民為堯舜之

民孟子欲正人心之時而不能拯其隨者是以其

心不快也此謂其隨失隨之義故君子其心不快

象言未退聽謂隨者也易說

九三艮其限列其夤厲薰心象曰艮其限危薰心也

伊川先生曰限分隔也謂上下之際三以剛居剛

而不中為成艮之主決止之極也已在下體之上

而隔上下之限皆為止義故為艮其限是確乎止

而不復能進退者也在人身如列其夤夤脊也上

下之際也列絕其夤則上下不相從屬言止於下之堅也止道貴乎得宜行止不能以時而定於一其堅強如此則處世乖戾與物睽絕其危甚矣人之固止一隅而舉世莫與宜者則艱蹇忿畏焚撓其中豈有安裕之理厲薰心謂不安之一作勢薰爍其中一有也○謂其固止不能進退危懼之慮

常薰爍其中心也

並易傳

橫渠先生曰一身而動止中列危至薰心

易說

白雲郭氏曰不能止之於初至於三則難矣九三用剛有力止之象猶大畜說輟豶豕之道也限所

以制內外也內欲不出外境不入所謂艮其限也亦猶列身之夤而制其左右也厲薰心者常以危亡之憂薰爍其心使不忘也所謂其亡其亡繫于苞桑者也曰薰者與詩言憂心如薰同意凡此者皆以九三之止失於早辯故必極於用力以限止之方之初六則甚難矣然艮止之道行无不善是以六爻終无凶危特有難易之別也雖然止而言厲何也中庸曰人皆曰予知驅而納諸罟獲陷阱之中而莫之知辟也君子失性之危中庸謂之陷阱則艮之言厲一道也

易說

六四艮其身无咎象曰艮其身止諸躬也

伊川先生曰四大臣之位止天下之當止者也以陰柔而不遇剛陽之君故不能止物唯自止其身則可无咎所以能无咎者以止於正也言止其身无咎則見其不能止物施於政則有咎矣在上位而僅能善其身无取之甚也○不能為天下之止能止於其身而已豈足稱大臣之位也並易傳

橫渠先生曰止於心故能艮其身咸之九四朋從爾思義近易說

白雲郭氏曰以初論四則初為早辯者也然有初

之艮其趾然後四能艮其身先後之序理亦宜然艮其身則一身之內合於自然无不止也是以无咎止諸躬者謂能成已而已未能成物也易說

六五艮其輔言有序悔亡象曰艮其輔以中正也

伊川先生曰五君位艮之主也主天下之止者也

而陰柔之才不足以當此義故止以在上取輔有一

之義言之之一无人之所當慎而止者唯言行也五

在上故以輔言輔言之所由出也艮於一作輔則

不妄出而有序也言輕發而无序則有悔止之於

輔則一作悔亡也有序中節一作次序也輔與頰舌

皆言所由出而輔在中良其輔謂止於中也○五之所善者中也良其輔謂止於中也言以得中為正止之於輔使不失中乃得正也並易傳橫渠先生曰不能施止於心而能止其言故悔可

亡也易說

白雲郭氏曰六五君位一卦之主蓋主天下之止者也天下命令之所由出可不慎乎故良其輔言有序而後悔亡也輔頰車也言之所出也有序中節也君子居其室出其言善則千里之外應之有序者固如此也是以其悔可亡惟中正之君故能

三三十四

大易粹言五

艮十四

青

慎而止之如此庸主忽其言故天下亦共違之也觀舜命九官則知良其輔言有序之道而商紂謂己有天命謂敬不足行謂祭无益謂暴无傷蓋有間矣豈孔子所謂喪邦之言哉易說上九敦艮吉象曰敦艮之吉以厚終也

伊川先生曰九以剛實居上而又成艮之主在艮之終止之至堅篤者也敦篤實也居止之極故不過而為敦人之止難於久終故節或移於晚守或失於終事或廢於久人之所同患也上一无字九能敦厚於終止道之至善所以吉也六爻之德唯此

為吉。○天下之事唯終守之為難能敦於止有終者也。上之吉以其能厚於終也。並易傳

白雲郭氏曰：居止之極，止之過中者也。過中則疑於有失矣。然慎厥終，惟其始者，古人之戒。有始有卒者，聖人之事。能過於止，是厚於終也。又安有失哉？故言敦艮吉。

哉故言敦艮吉

易說

伊川先生曰漸序卦艮者止也物不可以終止故

受之以漸漸者進也止必有進屈伸消息之理也

止之所生亦進也所反亦進也漸所以次艮也進

以序為漸今人以緩進為漸進以序不越次所以

緩也為卦上巽下艮山上有木木之高而因山其

高一有而字有因也其高有因乃其進有序也所以為

漸也易傳

漸女歸吉利貞
伊川先生曰以卦才兼漸義而言也乾坤之變為

三百四十五 大易粹言五 漸

巽艮巽艮重而為漸在漸體而言中二爻交也由

二爻之交然後男女各得正位初終二爻雖不當

位亦陽上陰下得尊卑之正男女各得其正亦得

位也與歸妹正相對女之歸能如是之正則吉也

天下之事進必以一作有漸者莫如女歸臣之進於

朝人之進於事固當有序不以其序一作漸則陵節

犯義凶咎隨之然以義之輕重廉恥之道女之從

人最為大也故以女歸為義且男女萬事之先也

一有利貞字諸卦多有利貞而所施或不同有涉不正之疑而為之戒者有甘平事必貞乃得宜者有言所

以利者以其有貞也。以謂涉不正之疑而爲之戒者，損之九二是也。處陰居說，故戒以宜貞也。有其事必貞，乃得宜者，大畜是也。言所畜利於貞也。有言所以利者，以其有貞者，漸是也。言女歸之所以吉利於如此，貞正也。蓋其固有非設戒也。漸之義，宜能亨而不亢，亨者著亨者，通達之義，非漸進之

義也。易傳

橫渠先生曰：漸者，天地之施交，女歸吉，進得位，皆

指六四。

施一作始，易說。

白雲郭氏曰：漸之進不速而不已也。天地之道，進

皆有漸。況人乎？舉人道而言之，則進之漸者，无若女之歸也。女歸不以漸，則奔也。漸則爲歸，速則爲奔。故女歸以漸爲吉也。凡天下之進，如女歸之漸，无不吉也。利貞者，女歸之道正也。固守之，无不利矣。然聖人制昏禮，有納采、問名、納吉、納徵、請期之節，其禮爲尤備，是以知其漸也。鴻之進也，有于干于磐，于木于陸之漸，豈不猶女歸之禮乎？故卦辭言女歸而文明，鴻漸其義一也。伊川曰：諸卦多言利貞而所施或不同，有涉不正之疑而爲之戒者，損之九二是也。處陰居說，故戒以宜貞也。有其事

貞乃得其宜者大畜是也言所畜利於貞也有言所以利者以其有貞漸是也言女歸之所以吉而利者以如此貞也

易說

彖曰漸之進也女歸吉也進得位往有功也進以正可以正邦也其位剛得中也止而巽動不窮也

伊川先生曰如漸之義而進乃女歸之吉也謂正而有漸也女歸為大耳它進亦然○漸進之時而陰陽各得正位進而有功也四復由上進而得正位三離下而為上遂得正位亦為進得位之義

是往而有功也六字

○以正道而進可以正邦國至於天下

三六十九

大易粹言五

漸三

葉生

也凡進於事進於德進於位莫不皆當以正也○上去進得位往有功也統言陰陽得位是以進而有功復云其位剛得中也所謂位者五以剛陽中正得尊位也諸爻之得正亦可謂之得位矣然未若五之得尊位故特言之○內艮止外巽順止為安靜之象巽為和順之義人之進也若以欲心之動則躁而不得其漸故有困窮在漸之義內止靜而外巽順故其進動不有

一作困窮也並易傳

白雲郭氏曰彖言漸之進如女之歸則吉所以明卦辭也蓋世俗多失漸進之道獨女歸有漸存焉

耳進得位者先明女歸之漸而後言人之進也凡人之進以漸得位則往有功蓋其進銳者其退必速是以无功也進既以漸又能以正則可以正邦所謂不能正其身如正人何也凡進以漸者必不失正進不以漸而失正者多矣故孔子於漸進之時又并進以正而言之也其位剛得中者言五之德也止而巽動不窮者言漸以止巽而動是以其進不窮也

易說

象曰山上有木漸君子以居賢德善俗

伊川先生曰山上有木其高有因漸之義也君子

三十一

大易粹言五

漸四

生

觀漸之象以居賢善之德化美於風俗人之進於賢德必有其漸習而後能安非可陵節而遽至也在己且然教化之於人不以漸其能入乎移風易俗非一朝一夕所能成故善俗必以漸也

易傳

橫渠先生曰居可以久之德難從无徵之德君子不以責人君子以賢德自居不強率人待其心回故

善俗自然

一作不可推行无徵難從之德易說

白雲郭氏曰合抱之木生於毫末則木之生未嘗不以漸也有山之高而木生焉故其高无窮猶漸之進其進有道故亦不窮也進之道何如止而巽

是也先有所止不為妄進巽而入之則有漸矣居賢德先有所止也善俗巽而入之也德非一日可成也俗非一日可善也居賢德善俗又漸之義也居賢德而後善俗蓋先自治而後治人豈所謂進以正可以正邦之道也易以巽主風教故此言善

俗易說

初六鴻漸于干小子厲有言无咎象曰小子之厲義无咎也

伊川先生曰漸諸爻皆取鴻象鴻之為物至有時而羣有序不失其時序乃為漸也干水湄水鳥止

大易粹言五

漸五

胡

於水之湄水至近也其進可謂漸矣行而以時乃

所謂漸漸一無漸字進不失漸得其宜矣六居初至下

也陰之才至弱也而上无應援以此而進常情之

所憂也君子則深識遠照知義理之所安時事之

所宜處之不宜小人幼子唯能見已然之事從衆

人之一有知非能燭理也故危懼而有言蓋不知

在下所以有進也用柔所以不躁也无應所以能

漸也於義自无咎也若漸之初而用剛急進則失

漸之義不能進而有咎必矣○雖小子以為危厲

在義理實无咎也此易傳

橫渠先生曰鴻為水鳥漸進之始出至于干鴻鵠之志非小子所量見其出陸爭欲危之且疑其所處非君子信己而行義无咎也

易說

白雲郭氏曰易以象言之則一卦一爻之內天地萬物无不具焉聖人或取諸身或取諸物獨能舉其一以明之耳理不能盡也如艮則取諸身漸則取諸鴻非艮之象不在物而漸之象不在人也故卦言女歸彖言進位文言鴻漸互相發明无嫌於不同也世之論象者率拘於說卦已言之象其所不言者不能明也況六十四卦之象古人未嘗明

大易粹言五

漸六

胡

言之且震為龍而乾稱龍乾為馬而坤稱馬坤為牛而離稱牛皆非說卦之象八卦无鴻而漸稱鴻故知易之取象天地萬物无不具聖人亦不能盡言姑舉八卦之略使後世知所謂象者如此貴矣觸類而長之也鴻漸于干者鴻水鳥也干水涯也言進之漸未遠於水也君子能安於漸也小子細人也志務速進故以漸為厲危之而有言是不知在漸之初未能遠進者其於君子之義无咎也何危之有

易說

六二鴻漸于磐飲食衎衎吉象曰飲食衎衎不素飽

也

伊川先生曰二居中得正上應於五進之安俗者也但居漸故進不速磐石之安平者江河之濱所有象進之安自干之磐又漸進也二與九五之君以中正之道相應其進之安固平易莫加焉故其飲食和樂衍衍然吉可知也○爻辭必具進之安平故取飲食和樂爲言夫子恐後人之不喻又釋之云中正君子遇中正之主漸進于上將行其道以及天下所謂飲食衍衍謂其得志和樂不謂空飽飲一無食而已素空也並易傳

三卅六

大易粹言五

漸七

曾挺

橫渠先生曰衍衍和樂貌飲食和樂不徒飽而已言獲志之多也易說

白雲郭氏曰磐石之可安者自干而磐已獲安矣飲食衍衍蓋君臣相遇安而和樂也與詩所謂嘉賓式燕以衍同意漸進之道見於得君之祿安樂飲食雖小子亦无危厲之言是以吉也不素飽者不素餐之謂也伊川曰不素飽者君子漸進于上將行其道以及天下豈徒空飽飲食而已乎而王輔嗣謂本无祿養進而得之其爲歡樂願莫先焉孔氏因之曰素故也故无祿養今日得之故願莫

先也觀此益見伊川先生造次不忘於道二子所
養如此而已昔孟子謂樂正子曰我不意子學古
之道而以饋啜也飲食之事疑於饋啜故孔子言
不素飽之義以明之而二子以得祿養為歡樂豈
不異哉易說

九三鴻漸于陸夫征不復婦孕不育凶利禦寇象曰
夫征不復離群醜也婦孕不育失其道也利用禦寇
順相保也

伊川先生曰平高曰陸平原也三在下卦之上進
至於陸也陽上進者也居漸之時志將漸進而上

大易粹言五

漸八

曾擬

无應援當守正以俟時安處平地則一无得漸之
道若或不能自守欲有所牽志有所就則失漸之
道四陰在上而密比陽所說也三陽在下而相親
陰所從也二爻相比而无應相比則相親而易合
无應則无適而相求故為之戒夫陽也謂三三若
不守正而與四合是知征而不知復征行也復反
也不復謂不反顧義理婦謂四若以不正而合則
雖孕而不育蓋非其道也如是則凶也三之所利
在於禦寇非理一作禮而至者寇也守正以閑邪所
謂禦寇也不能禦寇則自失而凶矣○夫征不復

則失漸之正從欲而失正離叛其羣類為可醜也
卦之諸爻皆无不善若獨失正是離其羣類婦孕
不由其道所以不育也所利在禦寇謂以順道相
保君子之與小人比也自守以正豈惟君子自完
其已而已乎亦使小人得不陷於非義是以順道
相保禦止其惡故曰禦寇並易傳
橫渠先生曰漸卦九三六四易位而居三離上卦
四離下體故曰夫征不復婦孕不育然相與之固
物莫能間故利用禦寇也征不復者變為良且得
位也如六四之得楠三四非正合故曰失其道也

易說

白雲郭氏曰初二之進也有漸而三則自任以剛
其進欲速失漸之道是以致凶爾雅高平曰陸自
水而至於陸進之甚遠故有夫征不復之象進而
比四不正之婦也故曰婦孕不育凶然九三之才
有進无退患在失中獨用以禦寇則利也離羣醜
者捨初二同體而進也失其道者比四之不正失
漸之道也非所謂進以正可以正邦者也順相保
者禦寇所以保其類也初二陰柔順九三之相保
也蒙之上九利禦寇與漸九三同義蓋它无所用

獨可禦寇而已蒙之象言上下順者以己獨處上衆皆順之也此言順相保者初二順而相保而已

易說

六四鴻漸于木或得其桷无咎象曰或得其桷順以巽也

伊川先生曰當漸之時四以陰柔進據剛陽之上陽剛而上進豈能安處陰柔之下故四之處非安地如鴻之進一作于木也木漸高矣一玩而有不安之象鴻趾連不能握枝故不木棲桷橫平之柯唯平柯之上乃能安處謂四之處本危或能自得

音甲

大易粹言

漸

王明

安寧之道則无咎也如鴻之於木本不安或得平柯而處之則安也四居正而巽順宜无咎者也必以得之言者因得失以明其義也○桷者平安之處求安之道唯順與巽若其義順正其處卑巽何處而不安如四之順正而巽乃得桷也並易傳

橫渠先生曰木非鴻所居如四之易位而在上也然本坤之爻進而為巽故或得其桷居之可安也順巽則衆所與也故得所安易說

白雲郭氏曰六四陰柔才有不足乘九三之剛從而比之非所安也故有于木之象桷平衡之柯或

得則可安矣安則无咎象言順以巽者當不安之際惟巽與順可得安寧故也巽權道也繫辭曰巽以行權然六四順以巽終為无咎之爻而先言于木不安之象者蓋六四之象有失有得獨言其得則人將莫知其失而不慎始者多矣聖人雖取其善終又欲人之善始是以兼明其失得也

易說

九五鴻漸于陵婦三歲不孕終莫之勝吉象曰終莫之勝吉得所願也

伊川先生曰陵高阜也鴻之所止最高處也象君之位雖得尊位然漸之時其道之行固亦非遽與

大易粹言五

漸上

葉生

二為正應而中正之德同乃隔於三四三比二四比五皆隔其交者也未嘗能即合故三歲不孕然中正之道有必亨之理不正豈能隔害之故終莫之能勝但其合有漸耳終得其吉也以不正而敵中正一時之為耳久其能勝乎○君臣以中正相交其道當行雖有間其間者終豈能勝哉徐必得其所願乃漸之占也

並易傳

白雲郭氏曰陵高阜也君之象也二五正應君臣同中正之德宜其吉矣然猶三歲不孕者以三四為之間故也四不能間五而能間二九三禦寇之

才足以間五然君臣同德有間終合故終莫之勝也雖九五之尊猶有三歲之久者亦爲之以漸故也三言夫征不復五言婦三歲不孕以卦辭言女歸吉故以夫婦爲言易說

上九鴻漸于陸其羽可用爲儀吉象曰其羽可用爲儀吉不可亂也

伊川先生曰安定胡公以陸爲達達雲路也謂虛空之中爾雅九達謂之達達通達无阻蔽之義上九在至高之位又益上進是出乎位之外在它時則爲過矣於漸之時居巽之極必有其序如鴻之

離所止而飛于雲空在人則超逸乎常事之外者也進至於是而不失其漸賢達之高致也故可用爲儀法而吉也羽鴻之所用進也以其進之用況上九進之道也○君子之進自下而上由微而著跬步造次莫不有序不失其序則无所不時而吉故九雖窮高而不失其吉可用爲儀法者以其有序而不可亂也並易傳

橫渠先生曰无應於下羽潔无汙且處於高故曰

漸陸

易說

白雲郭氏曰先人言陸當作達達者九達之衢雍

曰漸進之極至是无所不通矣安與樂皆不足以盡之漸之六爻其辭皆聲音相協故初則干言三則般言衍三則陸復育四則木桶五則陵孕勝如此則上九爲達儀明矣其羽可用爲儀者九達之地非止十目所視而已通道大都人之瞻仰者衆莫不以爲儀表也漸進之吉孰大於是羽者外見之美故人可則而象之也不可亂者至美外見獨異於衆人故人莫得而亂之也

易說



震上

伊川先生曰歸妹序卦漸者進也進必有所歸故受之以歸妹進則必有所至故漸有歸義歸妹所以繼漸也歸妹者女之歸也妹少女之稱爲卦震上兌下以少女從長男也男動而女說又以說而動皆男說女女從男之義卦有男女配合之義者四咸恒漸歸妹也咸男女之相感也男下女二氣感應止而說男女之情相感之象恒常也男上女下巽順而動陰陽皆相應是男女居室夫婦唱隨之常道漸女歸之得其正也男下女而各得正位

大易粹言五

歸妹一

女

止靜而巽順其進有漸男女配合得其道也歸妹女之嫁歸也男上女下女一无從男也而有說少之義以說而動動以一作說則不得其正矣故位皆不當初與上雖當陰陽之位而陽在下陰在上亦不當位也與漸正相對咸恒夫婦之道漸歸妹女歸之義咸與歸妹男女之情也咸止而說歸妹動於說皆以說也恒與漸夫婦之義也恒巽而動漸止而巽皆以巽順也男女之道夫婦之義備於是矣歸妹爲卦澤上有雷雷震而澤動從之象也物之隨動莫如水男動於上而女從之嫁歸從男

之象震長男兌少女少女從長男以說而動動而相說也人之所說者少女故云妹為女歸之象又有長男說少女之義故為歸妹也易傳

歸妹征凶无攸利

伊川先生曰以說而動動而不當故凶不當位不當也征凶動則凶也如卦之義不獨女歸无所往而利也易傳

橫渠先生曰歸妹與革均是澤為大卦義不相干故革具四德而歸妹初不言德也易說

白雲郭氏曰歸者女子之嫁也妹言少女也少女

三十一

大易釋言五

歸妹二

改

從長男非正之道樂於自進則凶也何所利哉卦辭言征凶者獨歸妹一卦然而非樂於自進亦无凶矣王輔嗣以歸妹為娣媵故其言曰雖與長男交嫁而係娣是以說也孔氏因之曰以妹從娣而嫁謂之歸妹誤矣娣媵謂之媵非歸也孔子言天地之大義謂夫婦也娣媵豈能具此義哉諸爻言娣義自不同輔嗣以初九有歸妹以娣之辭故誤以妹為娣媵耳六五曰其君之袂不如其娣之袂良孔子象曰帝乙歸妹不如其娣之袂良以見妹稱君而娣為媵矣易說

彖曰歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

伊川先生曰一陰一陽之謂道陰陽交感男女配合天地之常理也歸妹女歸於男也故云天地之大義也男在女上陰從陽動故爲女歸之象○天地不交則萬物何從而生女之歸男乃生生相續之道男女交而後有生息有生息而後其終不窮前者有終而後者有始相續不窮是人之終始也○說以動以二體釋歸妹之義男女相感說而動

者少女之室故以說而動所歸者妹也所以征則凶者以諸爻皆不當位也所處皆不正何動而不凶大率以說而動安有不失正者○柔乘剛不惟位不當也又有乘剛之過三五皆乘剛男女有尊卑之序夫婦有唱隨之禮此一无常理也如恒是也苟不由常正之吉徇情肆欲唯說是動則夫婦瀆亂男牽欲而失其剛婦狃說而忘其順如歸妹之乘剛是也所以凶无所往而利也夫陰陽之配合男女之交媾理之常也然從欲而流放不由義理則淫邪无所不至傷身敗德豈人理哉歸妹之

所以一有凶也

並易傳

橫渠先生曰泰之九三進而在四六四降而在三故曰天地之大義也公泰道將終征將爲否故曰凶○妹者是少女之征也對長男而言之故言少女先儒爲姪娣之義於卦不見於爻辭則有君與娣之稱長男而與長女是人之常也少女而與少男是人之感也說以私須是歸妹聖人直是盡人情○三五皆剛必退乃吉並易說

白雲郭氏曰有乾坤則有六子有天地則有男女夫婦天地夫婦之義一也繫辭曰天地絪縕萬物

化醇男女構精萬物化生故彖以歸妹爲天地之大義蓋主夫婦生化之道而言也歸妹人之終始者夫婦生化之道終始有始猶天地之無窮也說以動所歸妹者孔子元言女嫁皆曰歸妹至此論歸妹之卦所以征凶无攸利也關雎之義樂得淑女蓋以德爲主而此長男以所歸者妹遂說以動則不以德矣彼旣不以德而說此又不以德而進是以征凶位不當者以爻皆不當位是以有不以德進者矣以少女而歸長男非以柔乘剛而何宜其无攸利也或謂少女說而動如此則去淫奔不

遠矣孔子曰說以動所歸也觀此則說動者男

也說易

象曰澤上有雷歸妹君子以永終知敝

伊川先生曰雷震於上澤隨而動陽動於上陰說而從女從男之象也故為歸妹君子觀男女配合生息相續之象而以求其終知有敝也永終謂生息嗣續永久其傳也知敝謂知物有敝壞而為相繼之道也女歸則有生息故有永終之義又夫婦之道當常求有終必知其有敝壞之理而戒慎之敝壞謂離隙歸妹說以動者也異乎恒之巽而動

三三五

大易粹言三

歸妹五

中

漸之止而巽也少女之說情之感動動則失正非夫婦正而可常之道久必敝壞知其必敝則當思求其終也天下之反目者皆不能永終者也不獨夫婦之道天下之事莫不有終有敝莫不有可繼可久之道觀歸妹則當思永終之戒也

易說

橫渠先生曰求常禮之終知人情之敝
白雲郭氏曰衛人作氓詩蓋言男女無別遂相奔誘華落色衰復相棄背此所謂男女不終之敝也歸妹之義雖非奔誘然以長說少志在容色失夫婦之大義其去奔誘不遠矣是以君子於此欲思

求終偕老之道而戒不終之敝也禮曰壹與之齊
終身不改故夫死不嫁所謂求終者如此易說
初九歸妹以娣跛能履征吉象曰歸妹以娣以恒也
跛能履吉相承也

伊川先生曰女之歸居下而无正應娣之象也剛
陽在婦人為賢一作堅貞之德而處卑順娣之賢正
者也處說居下為順義娣之卑下雖賢何所能為
不過自善其身以承助其君而已如跛之能履言
不能及遠也然在其分為善故以是而行則吉也

○歸妹之義以說而動非夫婦能常之道九乃剛

三十一 大易粹言五 歸妹六 中

陽有賢一作堅貞之德雖娣之微乃能以常者也雖
在下不能有所為如跛者之能履然征而吉者以
其能一无能字相承助也能助其君娣之吉也並易傳

橫渠先生曰陽處於上不可不隨故征吉以允應
震合卦之義常道也爻為陽故能履非匹故跛易說

白雲郭氏曰初在下賤者之位也上无正應无所
歸焉娣之象也自无所歸因人之歸而為娣媵故
言歸妹以娣也跛能履者娣雖非正亦足以有行
猶跛者之能履也故進而佐其君則吉恒者可久
之道也娣媵古之道非妾為也故可久吉相承者

言娣以進而承君為吉也

易說

九二眇能視利幽人之貞象曰利幽人之貞未變常也

伊川先生曰九二陽剛一作剛陽而得中女之賢正者

也上有正應而反陰柔之質動於說者也乃女賢

而配不良故二雖一作之賢不能自遂以成其內助

之功適可善其身而小施之如眇者之能視而已

言不能及遠也男女之際當以正禮五雖不正二

自守其幽靜貞正乃所利也二有剛正之德幽靜

之人也二之才如是而言利貞者一无此五字利言宜

於如是之貞一无之貞字非不足而為之戒也○守其

幽貞未失夫婦常正之道也世人以媒狎為常故

以貞靜為變常不知乃常久之道也並易傳

橫渠先生曰震動乎上雖匹而不至所以眇陽中

故能視不援上幽人之正也易說

白雲郭氏曰九二剛中賢女也長男說少女而動

則夫之非賢可知矣女從男者也夫之不賢女不

能制也一賢一否眇之象也眇而能視以見九二

之獨賢也然夫之不賢豈可變常而從之哉守其

幽獨之操不為不賢之人奪其志可謂女子之貞

者矣斯其所以為利也故曰利幽人之貞九二蓋

能獲其利者非才不足而戒之也

易說

六三歸妹以須反歸以娣象曰歸妹以須未當也

伊川先生曰三居下之上本非賤者以失德而无正應故爲欲有歸而未得其歸須待也待者未有所適也六居三不當位德不正也柔而尚一作剛行不順也爲說之主以說求歸動非禮也上无應无受之者也无所適故須也女子之處如是人誰取之不可以爲人配矣當反歸而求爲娣媵則可也以不正而失其所也○未當者其處其德其求歸之道皆不當故无取之者所以須也

並易傳

三五五九

大易粹言五

歸妹八

吳金

橫渠先生曰三陰本彙征在上今六三反下而爲兌故曰歸妹以須反歸以娣女當待年于家今待年夫家而反歸故曰未當

易說

白雲郭氏曰六三之女不正也不正之女人之所棄故難其歸而有待也雖有待而終難其歸固不若反歸妹之義而從娣媵之事也未當者居位未當是以不能有所歸而待也下卦唯九二得中有歸妹之象初居下位三失正德故爲娣媵義殊不同而謂一卦皆爲娣媵之象則非也娣媵非天地大義安足以盡歸妹之象

易說

九四歸妹愆期遲歸有時象曰愆期之志有待而行也

伊川先生曰九以陽居四四上體地之高也陽剛在女子為正德賢明者也无正應未得其歸也過時未歸故云愆期女子居貴高之地有賢明之資人情所願娶故其愆期乃為有時蓋自有待非不售也待得佳配而後行也九居四雖不當位而處柔乃婦人之道也一有以无應悔一作故為愆期之義而聖人推理以一以无女賢而愆期蓋有待也○女所以愆期者由己而不由彼賢女人所願娶所以

三五五 大易粹言三五 歸妹九 余

愆期乃其志欲有所待待得佳配而後行也並見傳

橫渠先生曰九四當速交而為泰今獨後者三有所待也故曰愆期易說

白雲郭氏曰三之與四其不當相似而辭有不同何哉蓋六三以柔用剛又為過中而九四以剛用柔有未中之義是其所以不同也以其不當无應亦不免愆期有待而已其歸終有時故无反歸之事象言有待而行者行如詩言女子有行是也以見所以愆期者在我有所待非人不求之也是知過中與未中用剛與用柔其不同如此所以

繫辭言三夕凶也

易說

六五帝乙歸妹其君之袂不如其娣之袂良月幾望吉象曰帝乙歸妹不如其娣之袂良也其位在中以貴行也

伊川先生曰六五居尊位妹之貴高者也下應於二爲下嫁之象王姬下嫁自古而然至帝乙而後正婚姻之禮明男女之分雖至貴之女不得失柔巽之道有貴驕之志故易中陰尊而謙降者則曰帝乙歸妹泰六五是也貴女之歸唯謙降以從禮乃尊高之德也不事容飾以說於人也娣媵者以

三典

大易粹言五

歸妹

容飾爲事者也衣袂所以爲容飾也六五尊貴之女尚禮而不尚飾故其袂不及其娣之袂良也良美好也月望陰之盈也盈則敵陽矣幾望未至於盈也五之貴高常不至於盈極則不亢其夫乃爲吉也女之處尊貴之道也○以帝乙歸妹之道言其袂不如其娣之袂良尚禮而不尚飾也五以柔中在尊高之位以尊貴而行中道也柔順降屈尚禮而不尚飾乃中道也

並易傳

橫渠先生曰歸妹交泰之事備矣與泰六五同又於此見爲之戒也以其貴行故戒其滿以樂

望

一作又於此見新故之戒也易說

白雲郭氏曰六五以柔居尊得謙下之道故為帝乙歸妹與泰之六五同意此王姬下嫁之象帝而稱乙亦言其謙柔也其君之袂不如其娣之袂良者君謂妹也妹以德自飾不以服飾為事故不如其娣之袂良也詩序言王姬車服不繫其夫天下王后一等猶執婦道以成肅雝之德則詩人所美者係乎肅雝之德不獨取於車服也月幾望者不自滿假之意也其娣袂良猶能謙下而无嫉妬之心蓋膠木逮下之義也帝乙歸妹下於其夫也月幾

望下於其娣也夫如是吉孰大焉故膠木之詩每章必以福履終之是亦月幾望而繼以吉之義也月陰類也小畜上九曰婦貞厲月幾望則月為女子之象矣其位在中以貴行者天下未有不得中而能謙下於人者六五之位在中也以尊歸卑是為以貴行也惟在中故能不失貴行之義聖人之意尚德而已

易說

上六女承筭无實士刲羊无血无攸利象曰上六无實承虛筭也

伊川先生曰上六女歸之終而无應女歸之无終

者也婦者所以承先祖奉祭祀不能奉祭祀則不
可以爲婦矣筭篚之實婦職所供也古者房中之
俎菹醢一作醢之類后夫人職之諸侯之祭親割牲
卿士大夫皆然割取血以祭禮去血祭盛氣也女
當承事筭篚而无實无實則无以祭謂不能奉祭
祀也夫婦共承宗廟婦不能奉祭祀乃夫不能承
祭祀也故割羊而无血亦无以祭也謂不可以承
祭祀也婦不能奉祭祀則當離絕矣一无是夫婦
之无終者也何所往而利哉○筭无實是空筭也
空筭可以祭乎言不可以奉祭祀也女不可以承

祭祀則離絕而已是女歸之无終者也傳

橫渠先生曰上六與六三皆陰故士女无實易說

白雲郭氏曰上六居一卦之極失謙下之義无以

奉祭祀則非夫婦之道矣故稱女士焉未嫁曰女

未娶曰士筭所以載實也承筭无實失婦道也禮

去血祭盛氣也親割牲而无血失夫道也夫不夫

婦不婦何所利哉是以夫婦之道有不能永終者

以此聖人貴其知敝故夫夫婦婦而家道正矣言

无實无血无攸利於上六之爻皆不能永終之敝

也易說

大易粹言下經卷第五





